

GENESIS

Altjirralla alkira etnanha, alhalka arrpmarnaka

- 1 Tjontintjala Altjirralla alkira etnanha, alha erinha turta arrpmarnaka.
2. Arna, kwatjalka lhangalhintja naka. Thapathapa inpora inthorralla turta kwatja iparta erinha korltaka. Altjirraka Enka turta kwatja ekuranga kartninyala itnarlanaka.
3. Altjirrantama angkaka, "Parrtja kala nitjika!" Parrtjantama naka.
4. Altjirralla araka parrtja era marra namanga. Erantama parrtja erinha thapathapanga ilknagakaka. 5. Parrtja erinhantama Altjirralla rretnya 'arltā' alpmelaka, kanha thapathapa erinha rretnya 'ingwala'. Kala ngurrangurra naka, ingutnhantama naka, arltā arrkurlinya era.
6. Altjirrantama angkaka, "Arrkngarta kala nitjika kwatjanga mpopala, kwatja erinha kartatharrilitjika." Kala lakinherrakantama. 7. Altjirralla arrkngarta erinha mpaaraka. Arrkngarta erantama kwatja erinha kartatharrilaka. Kwatja arrpunha arrkngartanga kartninyalantama intaka, kanha kwatja arrpunha arrkngarta ekuranga kwaninyala. 8. Altjirralantama arrkngarta erinha rretnya 'alkira' alpmelaka. Kala ngurrangurra naka, ingutnhantama naka, arltā arrpunha.
9. Altjirrantama angkaka, "Kwatja ingkarraka etnala alkiranga kwaninyala namanga, etna katha nyintala porterritjika, arna rirrtja era katherritjinanga." Kala lakinherrakantama. 10. Altjirralantama arna rirrtja erinha rretnya 'alha' alpmelaka, kanha kwatja porterrakala etnanha rretnya 'laiyala'. Altjirralantama araka nhanha marra inthorra namanga.
11. Altjirrantama angkaka, "Alha era tharrka, marna, irnalka lyapulhelitjika. Nhangā marna twetakatweta, irna ntjarra turta marna twetakatwetakarta, nyintaminyinta annga ekuriltjakarta." Kala lakinherrakantama. 12. Alha era tharrka, marna, irnalka lyapulhelaka. Marna twetakatweta. Irna ntjarra turta marna twetakatwetakarta, nyintaminyinta annga ekuriltjakarta, marna kwanala. Altjirralantama araka nhanha marra inthorra namanga. 13. Kala ngurrangurra naka, ingutnhantama naka, arltā 3.
14. Altjirrantama angkaka, "Parrtja tharra alkirala nitjika, arltā ingwa turta ilknagakitjika. Eratharra turta arltā, lhurrrpa, eturna, antalalka arratjilitjika. 15. Eratharra turta alkirangatjina alha erinha parrtjilhelitjika." Kala lakinherrakantama. 16. Altjirralantama parrtja kngarritja tharra mpaaraka. Parrtja kngarritjalkura era arltaka tjitjarterritjika, kanha kurrkalkura era ingwakala. Era nthailpura etnanha turta mpaarakantema. 17. Altjirralantama parrtja erinhatharra alkiraka arrarnaka alha erinha

parrtjilhelitjika. 18. Eratharra turta arltaka ingwaka turta tjitjarterritjika, parrtja turta ingwanga ilknakitjika. Altjirralantama araka nhanha marra inthorra namanga. 19. Kala ngurrangurra naka, ingutnhantama naka, arlta 4.

20. Altjirrantama angkaka, "Kwatja etna ngarlpangalhitjika kwatjarinya arrpunhakarrpunhakarta. Thepa arrpunhakarrpunha turta arnanga kartninyala, alkira ekurala ilpanitjika." 21. Altjirralantama kwatjarinya kngarritja etnanha arrpmarnaka, kurrka etnanha turta, twetakatweta kuta. Thepa arrpunhakarrpunha etnanha turta Altjirrala arrpmarnaka, twetakatweta kuta. Altjirralantama araka nhanha marra inthorra namanga. 22. Altjirralantama etnanha nyintaranga kutantaka lyika, etnanha lakinha ilamala, "Ntjarra inthorrerrarrirrai! Laiya ingkarrakala narrirrai. Thepa rrangarra turta ntjarra inthorrerrarrirrai!" 23. Kala ngurrangurra naka, ingutnhantama naka, arlta 5.

24. Altjirrantama angkaka, "Arna ekuranga tnontha rratitjika, bullock-alka arrpunhakarrpunha, lhungkultja itnirrakanha arrpunhakarrpunha, tnontha itnura arrpunhakarrpunha turta, twetakatweta kuta." Kala lakinherrakantama. 25. Altjirralantama tnontha itnura etnanha mpaaraka, twetakatweta kuta, bullock-alka etnanha twetakatweta kuta, lhungkultja itnirrakanha etnanha turta twetakatweta kuta. Altjirralantama araka nhanha marra inthorra namanga.

26. Altjirrantama angkaka, "Nurna relha mpaariai nurna ngerra

inthorra. Etnantama kwatjarinya ntjarraka tjitjarterritjinanga, thepa alkirarinya ntjarraka, bullock-aka, tnontha itnuraka, lhungkultja arnala itnirrakarlapunhakalka."

27. Altjirralantama relhanha arrpmarnaka era ngerra inthorra. Altjirra ngerra inthorra era etnanha arrpmarnaka. Era etnanha orrea turta, marla turta arrpmarnaka.

28. Altjirralantama etnanha nyintaranga kutantaka lyika, etnanha lakinha ilamala, "Ntjarra inthorrerrarrirrai! Alha ntjaparala pmara rrakangarra mpaarai. Rrangkarra alha ekura tjitjarterrai, irpannga ntjarraka, thepa ntjarraka, tnontha ntjarraka turta."

29. Kurunga Altjirralla etnanha ilaka, "Marnaka atha rrangkarranha marna annga ingkarraka nthama, etnala alhala mangkamanga. Atha rrangkarranha irna marnakarta ingkarraka turta nthama, marna nhangga etnala anngakarta namanga. 30. Kanh tnontha alharinya ntjarranha, thepa alkirarinya ntjarranha, lhungkultja itnirrakanha ntjarranha turta, nhanga aiyangkintjakarta ingkarraka etnanha purrama, atha tharrkalkala marnaka nthama." Kala lakinha naka.

31. Altjirralla kartarakantama ingkarraka erala mpaarakala. Era araka nhanha ingkarraka marra inthorra namanga. Kala ngurrangurra naka, ingutnhantama naka, arlta 6.

Arlta 7-ala Altjirranha iltjerraka

2 Alkira etna, alhalka ingkarraka kala nakantama.

2. Altjirralla urrkapuntja ekuranha kala mangkilakalangantama, era arlta 7-ala urrkapuntja ekuranhanga iltjerraka. 3. Altjirralantama arlta 7 erinha ilknagakaka, era arlta tweta kuta nitjika, era urrkapuntja ekuranhanga iltjerrakalanga warta. Era turta arlta erinha lyekarrilaka.

4. Lakinha kunha Altjirralla alkira etnanha, alha erinha turta arrpmarnaka.

Eden, relhaka pmara arrkurlinya

Altjirra INGKARTA-ala nhanga alha erinha, alkira etnanha turta mpaaramalanga, 5. arna era irnakunya, tharrkakunya turta naka. Arna era karra lakinha naka, Altjirra INGKARTA-ala erinha itjantema kwatja ilpanthala nhakalanga. Artwa turta itja namanga arna erinha urlpelitjika. 6. Kwatja pentjanta arna kwananga tarlanitjata, arna ekura turtantama thalalhalanitjata.

7. Altjirra INGKARTA-alantama artwanha urrkapumala mpaaraka, arna urlpmurranga. Erantama artwa erinha etathilaka, aalha ekuranha poiylamala. Artwa erantama aiyangkaka, etatherraka turta.

8. Altjirra INGKARTA-alantama ekgarrala tnukulpa ingkairnaka, pmara Eden-ala. Era turta artwa erinha tnukulpa ekura arrarnaka.

9. Altjirra INGKARTA-alantama irna arrpunhakarrpunha etnanha arnanga mangkalhelaka, irna intorta etnanha purrama, marna marrakarta. Tnukulpa ekuranga tnarta mpopala irna tharra mangkaka. Nyintanga, relhala ekuranga marna ilkumanga, era ngampakala etatha nama. Arrpunhanga, relhala ekuranga marna ilkumanga, era kornaka pa marraka kaltjerrama.

10. Pmara Eden ekurala lhira kwatjakarta roa lhaka, tnukulpa erinha kwatja nthitjika. Tnukulpa ekuranga kala rratanhamalantama, lhira era urlpaiya 4-ntama erraka ...

15. Altjirra INGKARTA-alantama artwa erinha Eden ekura arrarnaka, tnukulpa ekurala urrkaputjika arnalka urlpelamala, tnukulpa erinha ntarntaritjika turta. 16. Altjirra INGKARTA-alantama erinha ilaka, "Kala marna ilkwai, untala antja namala ngerra. 17. Irna arrpunha nhanganga pula, ekurangala relha kornaka marraka turta kaltjerrama, ekuranga unta itja inthorralla ilkutjika. Unta paka irna ekuranga marna ilkumanga, unta arlta lenhalantema ilutjina."

18. Altjirra INGKARTA-anhantama angkaka, "Nhanha itja marra nama artwa era nyintarina nitjika. Atha kala ekura ilkwatharra mpaaritjina, ilkwatharra ekura inthorra purrama."

19. Altjirra INGKARTA-alantama tnontha alharinya ingkarraka, thepa alkirarinya ingkarraka turta arnanga urrkapumala mpaaraka. Erantama etnanha artwa ekururna kngitjika, artwa era etnanha rretnya alpmelitjika. Kala rretnya artwa erala etnanha alpmelakala, nhanha kala rretnya etnaka nakantama. 20. Artwa erantama bullock-alka etnanha rretnya alpmelaka, thepa alkirarinya etnanha, tnontha itnura etnanha turta.

Ilkwatharra ekura inthorra pula artwa era itjala araka. 21. Kurunga Altjirra INGKARTA-ala artwa erinha ankwilaka, artwa era turta an kwa kngarrantama intaka. Altjirra INGKARTA-alantama tjipma nyinta ulta ekuranhanga inaka, altjura erinha turta wotha tjalkala marntilaka. 22. Tjipma lenhangantama, erala artwa ekuranga inakala, Altjirra INGKARTA-ala arrkutjanhantama urrkapumala mpaaraka. Erantama arrkutja erinha artwa ekururna rretjingaka. Arrkutja erinha aramala, 23. artwa era angkaka,

"Nhanhantamathoa ilkwatharra nuka inthorra era. Ngkwarna ekuranha kunha ngkwarna nukanhanga inakala, tjalka ekuranha turta tjalka nukanhanga inakala. Erinha kala rretnya 'arrkutja' alpmelitjika, erinha artwanga inakalanga warta."

24. Lakinhangathoa, artwala kala kaarta pa mia ekuranha impurlalhama noakartantama nitjinala. Noarta eratharrantama mpurrka nyinterrama.

25. Artwa era, arrkutja noa ekura turta, eratharra kala mantarrakunya ilknagara naka. Eratharra pula itja porerraka.

21. Altjirra INGKARTA-alantama Adam ekura, noa ekuranhaka turta mantarra mpaaraka yinpanga, erinhatharra korltaka turta.

22. Altjirra INGKARTA erantama angkaka, "Arai, relha eratharrataka nthurpa nurna ngererrakantama, marraka kornaka turta kaltja. Eratharrantama irna nhanganga marna inakitja, ilkukitja turta, eratharra turtantama ngampakala etatha nakitja, eratharra kala pmara nhanganga rratitjikanta." 23. Lakinhanganya Altjirra INGKARTA-ala erinhatharra Eden tnukulpanga kala unpukanta, eratharra arna ekurala marnaka urrkaputjika, ekurangala Altjirralla artwa erinha urrkapumala mpaarakala.

24. Erinhatharra unpumala, Altjirralla Eden tnukulpa ekuranga ekgarra mpinyaka cherubim ntjarrantama ingkairnaka, knife tjenyakarta. Knife tjenya era linyalinya inthorra mpurlanaka. Lakinha Altjirralla tjaiya erinha parraka, relha lhakitja, marna erinha ilkukitja turta, marna nhanga erala relhanha ngampakala etathilama.

namanga. Lakinhanganga yinganga lauwulhaka."

11. Altjirra INKGARTA-ala pula erinha pmarraka, "Ngunhalama nganha alpmelaka unta mantarrakunya ilkgara namanga? Irna nhangangama unta marna ilkuka? Irna nhanganga, ekurangala atha nganha parrakala?"

12. Artwa era pula erinha alpmelaka, "Arrkutja nhanganga untala yinganha ilkwatharraka nthakala, erataka yinganha irna nhanganga marna nthaka. Athantama ilkuka."

13. Altjirra INKGARTA-ala arrkutja erinhantama pmarraka, "Unta irna nhanganga marna ilkukama?"

Arrkutja era, erinha alpmelaka, "Apma erataka yinganha arrkarnaka. Athantama ilkuka."

14. Altjirra INKGARTA-alantama apma erinha ilaka,

"Unta arrkutja erinha arrkarnakalanga, atha nganha kornilama. Itja tnontha arrpunha ntjarranha. Kala nganha nyintanhanta wara. Unta kala tnarta unkwanganhalantama lhitjina, urlpmurra turta ilkutjina. Nhanha kala kutantaka nitjina.

15. Atha arrkutja mpalanha leltjakaleltjilitjina. Atha annga unkwanganha, annga ekuranha turta leltjakaleltjilitjinantema. Arrkutjaka annga erantama kapurta unkwanganha urrpmaltjitjina, kanha unta nururka ekuranhala kakutjina."

16. Arrkutja erinhantama era ilaka,

"Unta kngarra ilkaartintjitjina unta katjiakarta namalanga, katjia unkwanganha turta intitjikerramalanga.

Unta artwa noa unkwanganhaka kuta antjeritjina, era pula unkwanga tjitjarterritjinala."

17. Artwa erinhantama era ilaka, "Unta kunha arrkutja noa unkwanganhaka kangkwerraka. Unta turta irna ekuranga marna ilkuka, irna nhanganga ekurangala atha nganha parrakala itja ilkutjika.

"Lakinhanganga atha arna erinha kornilamantama. Lyartanga unta kngarra inthorra urrkapumalanta marna unkwanganha mangkalhelitjina. Lakinha nitjina unta ilutjinalpula.

18. Arna era lyaka, tharrka kornakornalkantama lyapulhelitjina. Unta turta itja wotha marna tnukulpa nhanganga ilkutjina, marna arrpunhantantama.

19. Lyartanga unta marna unkwanganhaka kngarra urrkaputjina. Lakinha nitjina unta wotha arnerritjinalpula. Arnangakwia atha nganha urrkakupala. Unta kunha urlpmurra wara nama, unta turta wotha urlpmurreritjinantema."

20. Adam erantama arrkutja noa ekuranha rretnya 'Eve' alpmelaka, Eve era warta relha ingkarrakaka mia nitjinanga.

21. Altjirra INGKARTA-alantama Adam ekura, noa ekuranhaka turta mantarra mpaaraka yinpanga, erinhatharra korltaka turta.

22. Altjirra INGKARTA erantama angkaka, "Arai, relha eratharrataka nthurra nurna ngererrakantama, marraka kornaka turta kaltja. Eratharrantama irna nhanganga marna inakitja, ilkukitja turta, eratharra turtantama ngampakala etatha nakitja, eratharra kala pmara nhanganga rratitjikanta." 23. Lakinhanganya Altjirra INGKARTA-ala erinhatharra Eden tnukulpanga kala unpukanta, eratharra arna ekurala marnaka urrkaputjika, ekurangala Altjirrala artwa erinha urrkapumala mpaarakala.

24. Erinhatharra unpumala, Altjirrala Eden tnukulpa ekuranga ekngarra mpinyaka cherubim ntjarrantama ingkairnaka, knife tjenyakarta. Knife tjenya era linyalinya inthorra mpurlanaka. Lakinha Altjirrala tjaiya erinha parraka, relha lhakitja, marna erinha ilkukitja turta, marna nhanga erala relhanha ngampakala etathilama.